



Noregs
vassdrags- og
energidirektorat

Alle på adresselista

Vår dato: **22 JUN 2011**
Vår ref.: 201005750-3 ki/kima
Arkiv: 313 / 067.3A0
Dykkar dato:
Dykkar ref.:

Sakshandsamar:
Kirsten Marthinsen
22 95 92 34

Masfjorden kommune – Søknad om uttak av grunnvatn til Matre vassverk i Masfjorden kommune, Hordaland – høyring

NVE har motteke ein søknad frå Masfjorden kommune, datert 7.6.2011, om løyve til å ta ut grunnvatn til Matre vassverk i Masfjorden kommune.

Brønnane til Matre vassverk er planlagt plassert i Matre sentrum, på ei grusøy vest for Matreselva sitt hovudlauf. Det er søkt om å ta ut inntil 390 m³/døgn, og ein reknar eit gjennomsnittleg uttak på 200 m³/døgn. Grunnvassmagasinet kan karakteriserast som eit ope infiltrasjonsmagasin, og grunnvasstanden varierar med vasstanden i elva. Nydanninga av grunnvatn skjer i hovudsak gjennom infiltrasjon frå Matreselva. Medeltilsig til Matreselva er berekna til 17,5 m³/s.

Søknaden skal handsamast etter reglane i kap. 3 i vassressurslova og gjeld løyve etter vassressurslova § 8. Søknaden med vedlegg vert lagt ut på www.nve.no/konsesjonssaker, og den vert kunngjort av NVE. Kopi av kunngjeringa ligg ved. Viss de ønskjer papirutgåve av søknaden, kan de kontakte Asplan Viak ved Rolf Forbord på tlf. 995 87 882 eller e-post: rolfe.forbord@asplanviak.no.

NVE ber Masfjorden kommune leggje to eksemplar av søknaden ut til offentleg ettersyn på kommunehuset i Masfjordnes fram til **8.8.2011**. Det eine eksemplaret kan, om naudsynt, lånast ut for kortare tid (2-3 dagar). Det andre må ikkje fjernast frå utleggingsstaden.

Vi syner elles til vedlagde informasjonsark som forklarar sakshandsaminga frå saka vert sendt på høyring til endeleg vedtak. Av dette går det fram kva for tilbakemelding vi ønskjer.

NVE føretrekkjer at fråsegner sendast oss elektronisk via www.nve.no/konsesjonssaker så snart som mogeleg og seinast innan **8.8.2011**. I tillegg kan ein sende fråsegner per e-post til nve@nve.no eller per post til: NVE, Konsesjonsavdelinga, Postboks 5091 Majorstua, 0301 Oslo.

E-post: nve@nve.no, Postboks 5091, Majorstuen, 0301 OSLO, Telefon: 09575, Internett: www.nve.no
Org.nr.: NO 970 205 039 MVA Bankkonto: 7694 05 08971

Hovedkontor
Middelthunsgate 29
Postboks 5091, Majorstuen
0301 OSLO

Region Midt-Norge
Vestre Rosten 81
7075 TILLER

Region Nord
Kongens gate 14-18
8514 NARVIK

Region Sør
Anton Jenssensgate 7
Postboks 2124
3103 TØNSBERG


Region Vest
Naustdalsvn. 1B
Postboks 53
6801 FØRDE

Region Øst
Vangsveien 73
Postboks 4223
2307 HAMAR



Fråsegner eller delar av fråsegna vert referert i eit endeleg vedtak. Om fråsegna er lang, er det difor ein fordel om det utarbeidas eit samandrag som kan brukast til dette.

Med helsing


Øystein Grundt
seksjonssjef


Kirsten Marthinsen
avdelingsingeniør

Vedlegg: 4 Søknad til kommunen
Kunngjeringstekst
Informasjonsark om sakshandsaming
Adresseliste

Adresseliste for: Uttak av grunnvatn til Matre vassverk

Handsamast etter: Vassressurslova

Vert kunngjort av NVE ved CIA Media Marketing 1 gong i: Nordhordland og Strilen

Tal på søknadar	Namn/adresse
3	Masfjorden kommune, 5981 MASFJORDNES
	Fylkesmannen i Hordaland, Kaigaten 9, 5020 BERGEN
	Hordaland fylkeskommune, Postboks 7900, 5020 BERGEN
	Mattilsynet i Hordaland og Sogn og Fjordane, Felles postmottak, Postboks 383, 2381 BRUMMUNDDAL
	Norges geologiske undersøkelser v/Amund Rein, 7491 TRONDHEIM
	Masfjorden Jakt-, Fiske- og Naturvernlag, Postboks 18, 5987 HOSTELAND
	Naturvernforbundet Hordaland, Postboks 1201, 5811 BERGEN
1	KM – Ivar Sægrov

- KUNNGJERING -

Masfjorden kommune – Søknad om uttak av grunnvatn til Matre vassverk i Masfjorden kommune

NVE har motteke ein søknad frå Masfjorden kommune om løyve til å ta ut grunnvatn i Masfjorden kommune.

Brønnane til Matre vassverk er planlagt plassert i Matre sentrum, på ei grusøy vest for Matreselva sitt hovudlauf. Det er søkt om å ta ut inntil 390 m³/døgn, og ein reknar eit gjennomsnittleg uttak på 200 m³/døgn. Grunnvassmagasinet kan karakteriserast som eit ope infiltrasjonsmagasin, og grunnvasstanden varierar med vasstanden i elva. Nydanninga av grunnvatn skjer i hovudsak gjennom infiltrasjon frå Matreselva. Medeltilsig til Matreselva er berekna til 17,5 m³/s.

Søknaden vert handsama av NVE etter reglane i kap. 3 i vassressurslova, og gjeld løyve etter § 8 i same lov. Søknaden med vedlegg er lagt ut til offentleg ettersyn på kommunehuset i Masfjordnes og på NVE sine nettsider www.nve.no/konsesjonssaker fram til høyringsfristen går ut. Om du ønskjer papirutgåve av søknaden, ta kontakt med Asplan Viak v/Rolf Forbord på tlf.: 995 87 882 eller e-post: rolfe.forbord@asplanviak.no.

NVE føretrekkjer at fråsegner sendast oss elektronisk via www.nve.no/konsesjonssaker så snart som mogeleg og seinast innan **8.8.2011**. I tillegg kan ein sende fråsegner per e-post til nve@nve.no eller per post til: NVE, Konsesjonsavdelinga, Postboks 5091 Majorstua, 0301 Oslo.

Fråsegner eller delar av fråsegna vert referert i eit endeleg vedtak. Dersom fråsegna er lang, er det difor ein fordel om det utarbeidast eit samandrag som kan nyttast til dette.



Orientering til høyringspartane

Generelt

NVE har heimel til å gje løyve i saker som gjeld utbygging av småkraftverk (inntil 10 MW), og andre vassdragstiltak. Løyve til større kraftutbyggingar blir gjeve av Kongen i statsråd.

Frå 1. januar 2010 har fylkeskommunen heimel til å gje løyve i saker som gjeld utbygging av kraftverk med installert effekt inntil 1 MW. Dette gjeld m.a. ikkje saker i verna vassdrag.

Denne orienteringa gjeld saker der NVE kan gje løyve etter § 8 i vassressurslova.

Handsaming av søknaden fram til endeleg avgjerd

NVE sender informasjon om høyringa til kommunar, fylkesmenn (FM), fylkeskommunar (FK), statlege forvaltingsorgan og interesseorganisasjonar som saka vedkjem. Høyringsperioden er minst 6 veker. Saka vert kunngjort i minst ei avis i distriktet og kommunen legg søknaden ut til offentleg gjennomsyn, ev. utlån. Søknaden vert òg lagt ut på www.nve.no/konsesjonssaker med tilgang til å sende inn fråsegn elektronisk.

Søkjar får høve til å kommentere innkomne fråsegner før NVE gjennomfører synfaring i området.

I heilskapsvurderinga står NVE fritt til å vurdere om løyve bør gjevast og i kva omfang, jf. vassressurslova § 25. Søknaden og innkomne høyringsfråsegner er viktige grunnlag for NVE si vurdering.

Dersom NVE gjev løyve, kan det bli knytt vilkår til dette, jf. vassressurslova § 26. Vilkåra kan omfatte byggjefristar, vasslepping, naturforvaltning, fornminne og sanksjonar ved ev. brot på vilkåra.

NVE si avgjerd kan påklagast til Olje- og energidepartementet innan 3 veker frå det tidspunkt underretning er kome fram til parten.

Om det er søkt løyve etter energilova for elektriske anlegg i kraftverk/ høgspenst overføringsanlegg, vil NVE gje naudsynt energikonsesjon samstundes med løyve til bygging av kraftverket. Dei fleste høgspentanlegg med linjer kan byggast innanfor lokal netteigar sin områdekonsesjon.

Kva vert forventa av høyringsinstansane?

Kommunen bør gje grunnjevne synspunkt på om planane bør gjennomførast, ev. val av alternativ. Vi ber kommunen informere om kjende allmenne interesser (t.d. landskap, friluftsliv, fisk og vilt) som tiltaket kan få følgjer for, og ev. andre tilhøve som kan få innverknad på gjennomføringa. NVE ønskjer forslag til vilkår eller avbøtande tiltak som kan redusere ev. skader ved gjennomføring av planane. NVE ventar at kommunen omtalar tilhøve til kommuneplanen og andre kommunale planar.

FM bør leggje vekt på tilhøva omkring miljø, medrekna fisk og biologisk mangfald, og vurdere tiltaket i høve til sektorlovgivinga.

FK bør leggje vekt på kulturminne og friluftsliv som er særlege ansvarsområde. Det skal gjerast greie for tiltaket sin status og mogleg konfliktnivå i fylkesdelplan for småkraftverk, om det er utarbeidd ein slik plan.

Motsegn og klagerett

I ny plan- og bygningslov er tilhøvet mellom konsesjonshandsaming og handsaming av planar for energianlegg endra for å sikre ei meir effektiv sakshandsaming. Det er ikkje krav om reguleringsplan. For å ta hand om retten til å fremja motsegn som kommunar og statlege fagetatar har hatt til reguleringsplanar, er det teke inn reglar i energi- og vassdragslovgivinga om motsegn og klagerett. NVE understrekar at ei ev. motsegn må fremjast i høyringsperioden. NVE syner til våre nettsider for meir informasjon: www.nve.no/konsesjonssaker.